



Broj: 16-12-16- 6723- 8 /25
I. Sarajevo, 02.12. 2025. godine

Na osnovu člana 8. stav (2) tačka h) Zakona o Državnoj agenciji za istrage i zaštitu ("Službeni glasnik BiH", br. 27/04, 63/04, 35/05, 49/09 i 40/12), člana 69. stav (2) tačka a) i člana 70. st. (1), (2), (4) i (6) Zakona o javnim nabavkama ("Službeni glasnik BiH", br. 39/14, 59/22 i 50/24), na preporuku Komisije za nabavke za potrebe Državne agencije za istrage i zaštitu u 2025. godini broj 16-12-16-6723/25 od 27.11.2025. godine, u postupku javne nabavke internet usluga za potrebe Državne agencije za istrage i zaštitu, direktor Državne agencije za istrage i zaštitu, d o n o s i

ODLUKU
o poništenju postupka javne nabavke za
LOT 2, LOT 3 i LOT 4

Član 1.

Poništava se postupak javne nabavke internet usluga za potrebe Državne agencije za istrage i zaštitu (u daljem tekstu: Agencija) i to za: LOT 2 - Nabavka internet usluga u Regionalnoj kancelariji Banja Luka, LOT 3 - Nabavka internet usluga u Regionalnoj kancelariji Mostar i LOT 4 - Nabavka internet usluga u Regionalnoj kancelariji Tuzla, za koji je obavještenje o javnoj nabavci broj 1161-1-2-246-3-75/25 objavljeno na Portalu javnih nabavki 17.10.2025. godine i u „Službenom glasniku BiH“, broj 65/25 od 31.10.2025. godine, iz razloga što za LOT 2, LOT 3 i LOT 4 nije dostavljena nijedna ponuda u određenom krajnjem roku.

Član 2.

Ova odluka objavit će se na web stranici Agencije, istovremeno s upućivanjem ponuđačima koji su učestvovali u postupku javne nabavke.

Član 3.

Za izvršenje ove odluke zadužuje se Sektor za materijalno-finansijske poslove Agencije.

Član 4.

Ova odluka stupa na snagu danom donošenja.

O b r a z l o ž e n j e

Odlukom broj 16-12-16-6723-1/25 od 10.10.2025. godine pokrenut je postupak javne nabavke internet usluga za potrebe Agencije, procijenjene vrijednosti 64.500,00 KM bez uračunatog PDV-a, na period od dvije godine, za koji je obavještenje o javnoj nabavci broj 1161-1-2-246-3-75/25 objavljeno na Portalu javnih nabavki 17.10.2025. godine i u „Službenom glasniku BiH“, broj 65/25 od 31.10.2025. godine. Novčana sredstva za

realizaciju navedene nabavke obezbijedena su u okviru budžetskih sredstava za 2025. godinu, a na osnovu Instrukcije o privremenom finansiranju institucija Bosne i Hercegovine za period oktobar-decembar 2025. godine broj 05-02-2-5606-1/25 od 24.09.2025. godine i Dokument okvirnog budžeta 2025.- 2027. godina. Za navedeni postupak javne nabavke predviđena je e-aukcija, u skladu sa odredbama Pravilnika o uslovima i načinu korištenja e-aukcije („Službeni glasnik BiH“, broj 80/23). Predmet javne nabavke podijeljen je na lotove:

- LOT 1 - Nabavka internet usluga u sjedištu Agencije u Istočnom Sarajevu putem fizičke linije, procijenjene vrijednosti 51.200,00 KM bez uračunatog PDV-a;
- LOT 2 - Nabavka internet usluga u Regionalnoj kancelariji Banja Luka, procijenjene vrijednosti 2.100,00 KM bez uračunatog PDV-a;
- LOT 3 - Nabavka internet usluga u Regionalnoj kancelariji Mostar, procijenjene vrijednosti 1.250,00 KM bez uračunatog PDV-a;
- LOT 4 - Nabavka internet usluga u Regionalnoj kancelariji Tuzla, procijenjene vrijednosti 1.250,00 KM bez uračunatog PDV-a;
- LOT 5 - Nabavka internet usluga korištenjem 51 SIM kartice za prenos podataka u sjedište Agencije, procijenjene vrijednosti 8.700,00 KM bez uračunatog PDV-a.

Obzirom da je tačkom 24. Tenderske dokumentacije navedeno da je rok za dostavljanje ponuda 10.11.2025. godine do 12:00 sati, te da se ponude dostavljaju u zatvorenoj koverti, Komisija je dana 10.11.2025. godine u 13:00 sati izvršila javno otvaranje ponuda. Javnom otvaranju prisustvovao je predstavnik ponuđača „Mtel“ a.d. Banja Luka.

Blagovremeno su dostavljene ukupno dvije ponude i to:

R/B	Naziv ponuđača	LOT	Ukupna cijena ponude u KM bez uračunatog PDV-a
1.	„Mtel“ a.d. Banja Luka	LOT 1	51.199,92
		LOT 5	8.690,40
2.	„BH Telecom“ d.d. Sarajevo	LOT 5	8.688,00

Komisija je nakon otvaranja ponuda u smislu člana 63. st. (5) i (6) Zakona o javnim nabavkama (u daljem tekstu: Zakon), sačinila Zapisnik o otvaranju ponuda, koji je u roku od tri dana, od dana otvaranja, dostavila ponuđačima. Postupak je dalje nastavljen u smislu pregledanja dokumentacije priložene uz ponude, a u cilju ocjenjivanja ponuđača, te njihove kvalifikovanosti shodno uslovima navedenim u Tenderskoj dokumentaciji.

Komisija je utvrdila da za LOT 2 - Nabavka internet usluga u Regionalnoj kancelariji Banja Luka, LOT 3 - Nabavka internet usluga u Regionalnoj kancelariji Mostar i LOT 4- Nabavka internet usluga u Regionalnoj kancelariji Tuzla nije dostavljena nijedna ponuda u određenom krajnjem roku.

Cijeneći naprijed navedeno, prihvaćena je preporuka iz Izvještaja o radu Komisije i odlučeno da se u skladu sa članom 69. stav (2) tačka a) Zakona poništi postupak javne nabavke internet usluga za potrebe Agencije za LOT 2, LOT 3 i LOT 4, a kako je navedeno u članu 1. ove odluke.

Pouka o pravnom lijeku: Protiv ove odluke može se izjaviti žalba Uredu za razmatranje žalbi Bosne i Hercegovine, u roku od 10 dana od dana dostavljanja iste. Žalba se podnosi putem Državne agencije za istrage i zaštitu.

Na izjavljenu žalbu ponuđač je obavezan platiti naknadu u skladu sa članom 108. Zakona o javnim nabavkama i podzakonskim aktima.

DOSTAVLJENO:

- Ponuđačima 2x;
- Sektoru za mat.-fin. poslove;
- a/a.



DIREKTOR
GLAVNI GENERALNI INSPEKTOR POLICIJE
Darko Čulum